

**CYNGOR TREF RHUTHUN**  
**RUTHIN TOWN COUNCIL**



---

Cofnodion [DRAFFT] cyfarfod y **Pwyllgor Amwynderau** a gynhaliwyd fel cyfarfod hybrid  
nos Lun, 13 o Fehefin 2022 am 7:20pm

**YN BRESENNOL:** Cynghorwyr Stephen Beach, Oliver Bradley-Hughes, Christine Ellis, Gavin Harris,  
Menna Jones, Jabez Redfern Oakes, Anne Roberts a Rachel Ryland.

Hefyd: Siân Clark – Clerc y Dref, Kate Harcus – Dirprwy Glerc y Dref a Marian Rees – Cyfieithydd.

***Ystyriwyd y ddwy eitem ganlynol ar y cyd ag Aelodau'r Pwyllgor Cynllunio a Datblygu o 7.20p.m.***

## **1. DYFODOL RUTHUN**

Er budd Aelodau newydd, bu i'r Cynghorydd Gavin Harris rannu'r cefndir Ddyfodol Rhuthun. Roedd yr allbwn gan fyfyrwyr prosiect Co-Lab Prifysgol Dinas Birmingham wedi'i ddsbarthu ac anogwyd yr Aelodau i ddarllen ac ystyried y gwaith a ddarparwyd. Roedd cynnal momentwm cadarnhaol Dyfodol Rhuthun yn allweddol ac awgrymwyd a chytunwyd bod Gweithgor Dyfodol Rhuthun yn cyfarfod i drafod y cyfleoedd a oedd y'n codi o allbwn y myfyrwyr.

Atgoffwyd yr aelodau bod y Cyngor Tref wedi ymrwymo i'r egwyddor o 'Stafelloedd Trefol', sy'n hyrwyddo'r defnydd o ofod, megis Yr Hen Lys, i feithrin cyfleoedd a chysylltiadau rhwng pobl a lle ac annog cyfranogiad ac ymgysylltiad cymunedol. Cynigiwyd ac eiliwyd bod gwahoddiad ffurfiol yn cael ei anfon i Gymdeithas Ddinesig Rhuthun a'r Cylch i weithio mewn partneriaeth â Chyngor Tref Rhuthun i ddatblygu'r model Ystafell Drefol a sefydlu protocol ffurfiol.

**PENDERFYNWYD:** *galw cyfarfod o Weithgor Dyfodol Rhuthun, gyda gwahoddiad i bob Cynghorydd Tref erbyn 4 Gorffennaf 2022; a bod gwahoddiad ffurfiol yn cael ei anfon at Gymdeithas Ddinesig Rhuthun a'r Cylch i weithio mewn partneriaeth â Chyngor Tref Rhuthun i ddatblygu'r model Ystafell Drefol a sefydlu protocol ffurfiol.*

## **2 FELODROM ARFAETHEDIG RHUTHUN**

Darparodd y Cynghorydd Gavin Harris ddiweddariad llafar mewn perthynas â Felodrom arfaethedig Rhuthun. Darparwyd crynodeb byr o'r prosiect hyd yma er budd Aelodau newydd eu hethol. Hamdden Sir Ddinbych Cyf, oedd y corff arweiniol bellach ac roedd wedi derbyn grant gan Chwaraeon Cymru ar gyfer datblygiad y Felodrom. Roedd Bwrdd Rheoli Prosiect Strategol, yn cynnwys cynrychiolwyr o amrywiol randdeiliaid wedi'i sefydlu a chynhaliwyd ei gyfarfod agoriadol ar 7 Mehefin 2022. Roedd Cyngor Tref Rhuthun wedi'i gynrychioli yng nghyfarfod cyntaf y Bwrdd gan y Cynghorydd Gavin Harris, ar gais y Maer a'r Dirprwy Faer; byddai cynrychiolydd ffurfiol o Gyngor Tref Rhuthun yn cael ei ystyried yng nghyfarfod nesaf y Cyngor Tref. Cylch gorchwyl y Bwrdd oedd cyflawni'r achos busnes manwl a mynd â'r prosiect i gam 4 RIBA – sicrwydd cost fforddiadwyedd/hyfywdra. Byddai'r Bwrdd yn cyhoeddi briffiau rheolaidd wrth i'r prosiect fynd rhagdo.

**PENDERFYNWYD:** *Cydnabu'r Aelodau'r diweddariad a ddarparwyd a nodwyd y byddai ystyriaeth o gynrychiolydd Cyngor Tref Rhuthun ar y Bwrdd Rheoli Prosiect Strategol yn cael ei ystyried yng nghyfarfod nesaf y Cyngor Tref.*

### 3. YMDDIHEURIADAU AM ABSENOLDEB

Dim.

### 4. ETHOL CADEIRYDD

Cynigiwyd ac eiliwyd y Cynghorydd Anne Roberts fel Cadeirydd y Pwyllgor Amwynderau; nid oedd unrhyw enwebiadau eraill.

**PENDERFYNWYD:** *yn unfrydol ethol y Cynghorydd Roberts yn Gadeirydd y Pwyllgor Amwynderau ar gyfer y flwyddyn ddinesig i ddod, diolchwyd i'r Cynghorydd Menna Jones am gadeirio'r Pwyllgor am y flwyddyn flaenorol.*

### 5. DATGAN BUDDIANNAU

Dim.

### 6. COFNODION Y CYFARFOD BLAENOROL

**PENDERFYNWYD:** *bod cofnodion cyfarfod y Pwyllgor Amwynderau a gynhaliwyd ar 3 o Fai 2022 yn cael eu cadarnhau fel cofnod cywir.*

### 7. MATERION YN CODI

Dim.

### 8. PARC SEREN

Dywedodd y Clerc wrth yr Aelodau fod Pwyllgor Cymdeithas Preswylwyr Parc Seren wedi bod yn llwyddiannus wrth dderbyn grant ar gyfer adnewyddu ardal chwarae Parc Seren trwy'r Cynllun Grant Cymunedig Mannau Agored. Nodwyd bod costau llawn yr offer chwarae a'r gwaith arfaethedig (gan gynnwys symud a chael gwared ar offer presennol) wedi eu derbyn a manylwyd arnynt fel rhan o'r broses grant cymunedig. Roedd cais wedi dod i law gan Bwyllgor Cymdeithas Preswylwyr Parc Seren i Gyngor Tref Rhuthun barhau i yswirio'r parc ar ôl ei adnewyddu. Cadarnhaodd y Clerc fod offer chwarae wedi eu hyswirio ar hyn o bryd o fewn polisi yswiriant y Cyngor Tref gwerth tua £25,000. Deallir bod angen cadarnhad yswiriant ar gyfer Parc Seren cyn cyflwyno archeb am yr offer chwarae.

Canmolodd yr aelodau waith ac ymdrechion Pwyllgor Cymdeithas Preswylwyr Parc Seren a chroesawyd y grant cymunedig a roddwyd i adnewyddu'r man chwarae. Cydnabuwyd yn hanesyddol fod Parc Seren wedi'i gynnwys ym mholisi yswiriant Cyngor Tref Rhuthun; roedd yn hysbys hefyd bod cymhlethdodau wedi bod ynglŷn â gweithredoedd a pherchnogaeth y tir. Cytunwyd yn gyffredinol ar yr egwyddor bod Cyngor Tref Rhuthun yn cefnogi yswirio Star Park, fodd bynnag roedd yr Aelodau o'r farn bod angen cynnal ystyriaeth fanylach rhwng cynrychiolwyr Pwyllgor Cymdeithas Preswylwyr Parc Seren a'r Pwyllgor Amwynderau ynghylch y math o gefnogaeth y gellid ei darparu i sicrhau yswiriant priodol (e.e. cais am gymorth ariannol).

**PENDERFYNWYD:** *cynnal cyfarfod rhwng cynrychiolwyr o Bwyllgor Cymdeithas Preswylwyr Parc Seren Park a'r Pwyllgor Amwynderau i ystyried y math o gymorth y gellid ei ddarparu er mwyn sicrhau cyflenwad priodol.*

### 9. PRYNU A GOSOD 2 FAINC PICNIC PWRPASOL I GADAIR OLWYN AR DIR GER PONT-Y-PLANT

Rhoddodd yr Aelodau ystyriaeth i adroddiad a oedd yn cynnig prynu a gosod dwy fainc picnic sy'n hygyrch i gadeiriau olwyn ar dir ger Pont y Plant; bu i'r adroddiad ei ddosbarthu ymlaen llaw. Roedd y cynnig wedi'i gyflwyno gan y Cynghorydd Ethan Jones mewn ymateb i gais gan Aelod o'r Cyhoedd. Roedd yr adroddiad yn manylu ar gynnig i leoli meinciau picnic sy'n hygyrch i gadeiriau olwyn ar dir glaswelltog nad oedd cael ei ddefnyddio'n gyson rhwng Park Road ac Afon Clwyd; roedd lluniau o'r lleoliad arfaethedig a meinciau picnic wedi'u cynnwys.

Mewn trafodaeth, croesawodd yr Aelodau'r adroddiad a chefnogwyd yn llawn y cysyniad o sicrhau

mynediad i bawb. Roedd y cais oedd ar fin ei gyflwyno i'r Gronfa Ffyniant Bro, fel y'i hysbyswyd gan Dyfodol Rhuthun, yn cynnwys prosiect cynhwysfawr ar gysylltu mannau gwyrdd, parciau a llwybrau, a byddai hefyd yn cwmpasu archwiliad hygyrchedd a fyddai'n helpu i lywio penderfyniadau yn y dyfodol. Deallwyd mai Cyngor Sir Ddinbych oedd perchennog tir a awgrymwyd. Mynegwyd peth pryder ynghylch y posibilrwydd y byddai meinciau picnic yn denu ymddygiad gwrthgymdeithasol.

O ystyried bod y cais i'r Gronfa Ffyniant Bro ar fin ei gyflwyno, roedd yr Aelodau o'r farn y dylai'r cynnig, er bod iddo lawer o rinwedd, gael ei ystyried o fewn cydestun y prosiect mannau gwyrdd ehangach er mwyn sicrhau agwedd gyfannol a strategol at amwynderau o'r fath.

**PENDERFYNWYD:** *ystyried y cais o fewn cyd-destun y prosiect mannau gwyrdd ehangach er mwyn sicrhau agwedd gyfannol a strategol at amwynderau o'r fath.*

#### **10. DYDDIAD Y CYFARFOD NESAF**

**PENDERFYNWYD:** *mai nos Lun 4 o Orffennaf 2022 y cynhelir y cyfarfod nesaf am 7.30 pm.*